

ACTA DA SESION ORDINARIA DA XUNTA DE GOBERNO LOCAL CORRESPONDENTE O DIA 7 DE XANEIRO DO 2009.-

Na Casa Consistorial do Concello de Ribadavia, o día sete de xaneiro de dous mil nove; a unha e media do mediodía xúntanse os señores que de seguido se sinalan para celebrar a sesión ordinaria da Xunta de Goberno Local correspondente a esta data: Alcalde-Presidente Don Marcos Blanco Jorge.- Concelleiros: Don José Ignacio Gómez Pérez, Don Anxo Collarte Pérez e Dona Manuela Iglesias Collarte.

Está presente o Secretario do concello, Don Pablo Portela Fernández.

Está presente o Interventor do concello, Don Vicente Soto Rodríguez.

Aberta a sesión polo Sr. Alcalde, pásase de seguido ó estudio dos asuntos que conforman a anunciada Orde do Día, que resultan se-los seguintes:

1.- ACTA ANTERIOR.-

A Xunta de Goberno Local, por unanimidade, aproba o borrador da Acta da sesión anterior, que foi a celebrada o pasado vinte e nove de decembro do dous mil oito (Ordinaria).

2.- OBRAS MAIORES.-

1º.- CONCESIÓN DA LICENZA PROVISIONAL.-

“Visto o expediente instruído a instancia de **VERÓNICA ARAUJO MEIRIÑO**, con domicilio na rúa Ribeiro nº53, baixo desta vila, no que solicita a regulamentaria licenza para a realizar actividade de LUDOTECA,

RESULTANDO: Que admitido a trámite, procedeuse a realizar información pública co resultado que consta, incorporando os preceptivos informes técnicos, o informe da Delegación Provincial da Consellería de Sanidade e o da Corporación Municipal.

RESULTANDO: Que elevado á Delegación Provincial da Consellería de Medio Ambiente (Servizo de Calidade e Avaliación Ambiental), este Organismo, con data 19 de decembro de 2008, informa a actividade como MOLESTA, e dende o punto de vista mediambiental condicionase a súa instalación ó cumprimento dos seguintes requisitos: a) á comprobación posterior, mediante certificación de medición de ruidos, na que se acredite o cumprimento da normativa vixente en materia de protección ccontra a contaminación acústica; b) Lei 10/1998, de 21 de abril, de Residuos (B.O.E. nº 96, de 22-04-98); Lei 10/1997, de 22 de agosto, de residuos sólidos urbanos de Galicia (D.O.G. nº 168 do 02-09-97); Real Decreto 105/2008, de 1 de febreiro, polo que se regula a produción e xestión de residuos de construción e demolición (B.O.E. nº 38 de 13-02-08); c) se xestionen todos os residuos serrados na actividade e os procedentes das obras de reforma ou adaptación do local; d) á aportación e cumprimento das autorizacións sectorais pertinentes.

RESULTANDO: Que o lugar de emprazamento non é desconforme co planeamento urbanístico axustado á zona.

CONSIDERANDO: Que na tramitación deste expediente observáronse as prescricións legais.

CONSIDERANDO: Que é da competencia da Xunta de Goberno Local, en virtude de delegación da Alcaldía a concesión da licenza solicitada.

A Xunta de Goberno Local, por unanimidade dos asistentes, ACORDA A CONCESIÓN PROVISIONAL DA LICENZA que se solicita, debendo cumprir as observacións e medidas correctoras que constan no proxecto presentado e sinaladas pola Delegación Provincial da Consellería de Medio Ambiente, debendo solicitar licenza definitiva de apertura e funcionamento, aportando as autorizacións sectoriais pertinentes, para o que será indispensable que se levante Acta de comprobación que o interesado deberá solicitar a este Concello, indicando o día e hora, a cal deberá ser favorable, acompañando á petición certificado do técnico director das obras ou instalacións que nel se especifique a conformidade das mesmas cos termos desta licenza; debendo de ingresarse previamente nas arcas municipais a cantidade á que ascenden as taxas regulamentarias, segundo liquidación que practicará a Intervención Municipal.”

3.- ESCRITOS DOS SEÑORES CIADÁNS.

Non houbo.-

4.- ESCRITOS OFICIAIS.-

A Xunta de Goberno Local, toma coñecemento dos seguintes:

Non houbo.-

5.- CUESTIONS ECONOMICAS E ASUNTOS VARIOS.-

GASTOS E FACTURAS VARIAS.-

Vistas as facturas e demais documentos xustificativos das prestacións que se expoñen á fiscalización conforme da Intervención municipal e considerando que, existe crédito orzamentario no orzamento de gastos para o exercicio 2008, a Xunta de Goberno Local, por unanimidade dos asistentes, e en uso das facultades en canto á xestión do gasto conferidas polo RD Lexislativo 2/2004 e RD 500/1990, delegadas pola Presidencia, acorda:

Primeiro.- O recoñecemento e liquidación das obrigas e polos importes que a continuación se expoñen, con imputación ás partidas correspondentes.

FENEDIF (ECUADOR), aportación a organización de Seminario de clausura do proxecto de Sensibilización para a diversificación, por importe de 8.785 euros.

Segundo.- O recoñecemento e liquidación das obrigas e polos importes que a continuación se expoñen, con imputación ás partidas correspondentes.

ACEVIN, servicios de representación e participación no Stand de Rutas do Viño de España en Salón Internacional de Turismo de Cataluña e outros, por importe de 4.000 euros.

CHACOTO S.L ACION, completo recoñecemento da factura por servizos de montaxe e desmontaxe de infraestructuras para a Mostra Internacional de Teatro 2008, por importe de 4.080 euros.

Terceiro.- Comunicar este acordo e ordenar aos servizos de Intervención e Tesourería a súa contabilización e pago.

APROBACION DE FACTURA.-

A Xunta de Goberno Local, por unanimidade dos presentes, presta aprobación a factura emitida pola empresa Jaime Castro Trillo e Outra S.C., relativa a obra denominada “Acondicionamento xeral para local de ensaio”, por importe de 10.007,61 euros. Así mesmo acordase por unanimidade dos presentes, remitir a factura e o devandito acordo a Vicepresidencia da Iguladade e do Benestar.

6.- ROGOS E PREGUNTAS QUE SE FORMULEN REGULAMENTARIAMENTE.-

Non houbo.-

E sendo as dúas e cuarto do mediodía, o Sr. Alcalde, ergueu a sesión, estendéndose a presente, do cal, coma Secretario, certifico.

O ALCALDE

O SECRETARIO